

**Wan Azizah dilantik secara rasmi sebagai Ketua Pembangkang
Astro Awani
Mei 18, 2015**

KUALA LUMPUR: Presiden PKR Datuk Seri Dr Wan Azizah Wan Ismail hari ini secara rasmi dilantik sebagai Ketua Pembangkang di Dewan Rakyat.

Upacara angkat sumpah sebagai Ketua Pembangkang dan juga Ahli Parlimen Permatang Pauh diadakan di hadapan Speaker Dewan Rakyat, Tan Sri Pandikar Amin Mulia.

Kerusi itu kosong selepas Mahkamah Persekutuan mengekalkan sabitan liwat kedua terhadap Datuk Seri Anwar Ibrahim pada 10 Februari manakala Lembaga Pengampunan menolak permohonan pengampunan yang difailkan keluarga Anwar terhadap hukuman penjaranya.

Wan Azizah memenangi Pilihan Raya Kecil (PRK) Permatang Pauh dengan majoriti 8,841 undi pada 7 Mei lalu.

Beliau menewaskan calon Barisan Nasional (BN) Suhaimi Sabudin, calon Bebas Salleh Isahak, dan calon Parti Rakyat Malaysia (PRM) Azman Shah Othman.

Sementara itu, Datuk Hasan Ariffin turut mengangkat sumpah sebagai Ahli Parlimen Rompin.

Copyright © Astro Awani Network Sdn. Bhd. 2014 (535275-D).

Source: <http://www.astroawani.com/berita-politik/wan-azizah-dilantik-secara-rasmi-sebagai-ketua-pembangkang-60204>